

ACTA DA REUNIÓN ORDINARIA DA COMISIÓN DE USUARIOS DOS SERVIZOS DE APOIO Á INVESTIGACIÓN DA UNIVERSIDADE DA CORUÑA DE 11 DE XULLO DE 2011

LUGAR: Sala de Xuntas do Edificio de Servizos Centrais de Investigación

DATA: 11 de xullo de 2011

HORA DE COMEZO: 12:44 horas

HORA DE REMATE: 13:35 horas

ASISTENTES

Jaime Rodríguez González, director do SAI
Concepción Herrero López, vicerreitora de investigación
Carlos Jiménez González
Pilar Rodríguez Barro
Andrés Martínez Lage
Andrés de Blas Varela
Soledad Muniategui Lorenzo
Antonio Paz González
Ginés Nicolás Costa
Jorge Sanjurjo Sánchez
Juan Antonio Castro Amado
José María Aguiar Paz
Verónica Fernández-Villarrenaga Martín

AUSENTES

Jorge Sanjurjo Sánchez
Antonio Paz González
Joaquín Suarez López
Julián Yáñez Sánchez
José Manuel López Vilariño

ORDE DO DÍA

1. Aprobación, se proceder, da acta da reunión anterior
2. Informe da dirección
3. Aprobación, se proceder, da proposta de cambio de tarifas
4. Rogos e preguntas

DELIBERACIÓNS

Antes de comezar coa orde do día, o director escusa a ausencia da Antonio Paz González e Jorge Sanjurjo Sánchez.

Punto 1º. APROBACIÓN, SE PROCEDER, DA ACTA DA REUNIÓN ANTERIOR

Na acta da comisión de usuarios decembro de 2010 recóllese o cambio na composición da comisión. Nestes cambios deuse de baixa a Andrés de Blas Varela, sen embargo esta baixa deixou de ser efectiva xa que se debeu ao non chegar a tempo a proposta da área Química Inorgánica, feita a reclamación, o profesor Andrés de Blas reincorpórase a comisión en representación de dita área.

A continuación apróbase por unanimidade a acta da reunión do 09/12/2010.

Punto 2º. INFORME DA DIRECCIÓN

- Memoria 2010:

No ano 2010 produciuse unha caída dun 40% no número de mostras con respecto ao ano 2009. A baixada principalmente debeuse a que unha das empresas que traballaba coa Unidade de Bioloxía Molecular (UBM) alta adquiriu o seu propio equipamento. Das 70000 mostras analizadas durante o ano 2009, unhas 40000 foron da UBM.

Neste punto a vicerreitora insiste no problema que xerou en todas as universidades a competencia dos laboratorios coreanos que traballan a prezos moi por debaixo do mercado. Desta forma moitos investigadores fan as análises de rutina ou cribado en Corea e as mostras máis sensibles nas súas universidades.

Tamén produciuse unha decrecemento nos ingresos, pero soamente dun 10%, que se debeu á perda de usuarios tipo C. Este tipo de usuarios pasaron a ser o 3% das mostras analizadas fronte ao 18% do ano 2009, pola desaparición ou diminución do volume de traballo de moitas consultoras. Sen embargo seguen supoñendo o 37% dos ingresos xa que se mantiveron os convenios con empresas.

Os usuarios B mantéñense no 28% de mostras e mantívose a facturación.

En canto aos usuarios tipo A, por departamentos o Departamento de Bioloxía Celular e Molecular é o que enviou máis mostras, e por áreas Xenética e Enxeñaría do Terreo.

- Resolución do concurso do Servizo de Mantemento Científico:

Neste ano saíu a concurso o Servizo de Mantemento Científico que se puxo en funcionamento no ano 2007.

Presentáronse 4 empresas: Tecnología Gallega de Mantenimientos y Servicios, Ibérica Mantenimientos, Deyman y Agenor Mantenimientos.

O director amosa os criterios de avaliación das propostas e indica que o concurso adxudicouse á empresa Agenor que fíxose cargo do servizo no mes de marzo, subrogou os contratos dos técnicos que xa traballaban no servizo e suma un técnico para Ferrol.

Ginés Nicolás Costa pregunta polas tarefas dos técnicos. O director responde que o servizo reparar todo tipo de equipamento científico e que na web do SAI hai un formulario de solicitude de reparación e os números de teléfono de contacto. A vicerreitora indica que non é persoal do SAI, se non que os SAI serve como enlace entre o servizo de mantemento e os usuarios e así que a facturación sexa un cargo interno á universidade. Tamén salienta que se enviou información a todos os centros sobre este servizo.

Soledad Muniategui Lorenzo pregunta se se revisaron las tarifas. A vicerreitora indica que se cobrarán as pezas e a mano de obra segundo o que ofertou no concurso. O director sinala que nos SAI hai unha partida para mercar pezas.

- Persoal:

O director informa que se renovou o contrato Marta Mato, técnico contratada co programa Xunta de Galicia de recursos humanos Incorporación de Tecnólogos e Axentes de Innovación e Xestión Programa Isabel Barreto-2008.

Tamén informa dos cambios no persoal dentro da RPT:

1. Técnico superior da Unidade de Análise Estrutural. O director explica que Alberto Núñez Cardezo, que traballaba en comisión de servizos na unidade técnica de calidade, solicitou a súa volta ao SAI e reincorporouse ao seu posto de técnico superior, polo que Ana Isabel Balana Gracia deixou de prestar os seus servizos no SAI. O director agradece a súa labor ao longo deste anos de traballo no SAI.
2. Técnico superior da Unidade de Microscopía. O director informa que rematou o proceso de creación dunha lista agarda para cubrir a baixa da técnico superior desa unidade. O proceso finalizou o xoves pasado e hai unha persoa proposta para que se incorpore ao posto en dez ou quince días.
3. Técnico superior da Unidade de Espectrometría de Plasma-Masas. Estase a elaborar unha lista de agarda para cubrir a baixa da técnico superior.

Soledad Muniategui comenta a lentitude do proceso de avaliación das listas de agarda. O director responde que neste caso a persoa elixida ten que ser apta, non soamente para o manexar o ICP, se non que tamén para a acreditación.

- Sistema de xestión da calidade ISO 9001:2008.

O director informa que se renovou a certificación ISO 9001 ata o ano 2014.

- Ensaio acreditados segundo norma 17025.

Ata o momento os SAI están acreditados nun ensaio para a análise de dioxinas en produtos alimenticios.

O director informa que o 16 e 17 de marzo fíxose unha auditoría para a ampliación do alcance do ensaio acreditado a PCBs similares a dioxinas e para a acreditación dalgúns ensaios da unidade de análise de augas. Agora mesmo se estamos en proceso de aporte de evidencias e esperamos que en 3 ou 4 meses ter a resolución.

- Petición FEDER 2010. Proxectos concedidos.

Segundo informou a Secretaría Xeral de Universidades aos SAI se lle concederon catro proxectos:

1. Sistema de extracción en fase sólida para mostras acuosas. O director comenta que foi a solicitude mellor valorada de Galicia.
2. Espectrómetro para medidas de tempos de vida de fluorescencia.
3. Analizador termogravimétrico de presión e alto vacío acoplado a un espectrómetro de masas.
4. Scanner láser para a cuantificación precisa de proteínas e ácidos nucleicos desde soportes sólidos mediante marcaxe radioactivos, fluorímetro e de quimioluminiscencia.

Por outra parte tamén se concedeu a financiación para o mobiliario do CICA.

A vicerreitora felicita o director pola elaboración da solicitude e os que colaboraron aportando os seus Curriculum Vitae.

Punto 3º. APROBACIÓN, SE PROCEDER, DE PROPOSTA DE CAMBIO DE TARIFAS

O director indica que, aínda que as maiores modificacións de tarifas se fan ao rematar o ano, a metade de ano se poden facer modificación para novas análises.

1. Na Unidade de Análise Estrutural elimínase a determinación do tamaño do cristal e a cunatificación das fases cristalinas. Se retira de autoservizo o picnómetro de helio por reiteradas avarías.
2. Na Unidade de Bioloxía Molecular engádense as tarifas para o novo equipamento de expresión xénica, que se dividen en tramos por número de arrays. O director explica os pasos que ten a dita análise e desglosa o prezo de cada un deles.

A vicerreitora, como usuaria, explica que os kits non están estandarizados fóra de humanos, cultivo de plantas ou gandeiría, e por iso os prezos son tan altos.

Tamén se fai unha listaxe de equipos en autoservizo.

3. Unidade de Espectroscopia Molecular. Se engaden tarifas pendentes para usuarios C: ESI-TOF e uso do MALDI-TOF.
4. O director anuncia que o SAI oferta a calibración de micropipetas, para iso os SAI mercaron unha balanza con un programa para calibración e se adestrou ao persoal de AGENOR.

As tarifas son aprobadas pola Comisión e agora, como indica a vicerreitora, teñen que ser aprobadas polo Consello Social.

Punto 4º. ROGOS E PREGUNTAS

1. Soledad Muniategui pregunta cómo afecta á volta de Alberto Núñez Cardezo ao SAI ás auditorías.

O director comenta que para o SAI Alberto Núñez segue sendo responsable de calidade e que a praza de técnico superior da unidade técnica de calidade xa saíu a concurso.

2. Ginés Nicolás Costa. En microscopía se cubre a praza de técnico superior, pero qué vai pasar coa segunda persoa da unidade.

O director comenta que o seu contrato remata en decembro como outras 2 persoas do SAI.

A vicerreitora comenta que a Xunta non vai sacar a convocatoria de recursos humanos e que se cubriron solicitudes para moitos concursos. Ademais explica os problemas que hai coas becas e contratos e sobre todo coas predoutorais.

Ginés Nicolás comenta o dano que se lle está a facer as universidades. A vicerreitora contesta que os tres reitores xa se queixaron, tanto polo que se está falando nesta comisión como por lo I+D en xeral.

Soledad Muniategui pregunta cómo afecta isto a SAI. A vicerreitora comenta que os 30% do FEDER o aporta o ministerio en forma de préstamo.

Establécese un diálogo entre Soledad Muniategui, a vicerreitora e o director dos SAI sobre os contratos de mantemento e cómo lles afecta o recorte orzamentario. O director comenta que se está a negociar a renovación dos contratos de mantemento e que se quere manter o custo do contrato do ano 2008-2009.

3. Carlos Jiménez González pregunta polos prazos no que o CICA estará dispoñible. A vicerreitora comenta que o mobiliario se sacará a concurso con prazo de execución e que en paralelo sairá o concurso para a asignación de espazos. Así que se podería estar falando dun prazo de un ano. O director do SAI comenta que hai 28 laboratorios de entre 40 e 65 m².

Soledad Muniategui pregunta se o mobiliario está relacionado coa ocupación. A vicerreitora e o director responde que o mobiliario é estándar. O director engade que hai un laboratorio tipo por especialidade: orgánica/inorgánica, analítica, bioloxía, etc., e que ademais haberá zonas comúns para gran instrumentación, zonas de traballo, de residuos, etc.

Ao non haber máis preguntas o director da por rematada a reunión da Comisión de Usuarios ás 13:35 h dos 11 de xullo de 2011.

A secretaria

Visto e prace

O director do SAI

Verónica Fernández-Villarrenaga Martín

Jaime Rodríguez González